

آبونه شرائطی

ممالك عثمانیه ده سنه لک (۶۵) ، آلی  
آیلی (۲۵) غروشدور .  
ممالك اجنبیه ده سنه لک (۱۷) ، آلی  
آیلی (۹) فرانقدر .

اداره خانه

باب عالی جاده سنده دائره مخصوصه

اخطارات

آبونه بدلی پشندور .

§

مسلكه موافق آثار مع الممنونیه قبول  
اولنور . درج ابدله یں یازیلر اعاده  
اولونماز .

# المشرق

۱۳۳۰

دینی ، فلسفی ، علمی ، ادبی هفته لقی مجموعه اسلامیه در .  
باش محرر  
محمد عاكف  
صاحب و مدیر مسئول  
اشرف ادیب

والله یهدی من یشاء الی صراط مستقیم

اتبعون اهدکم سبیل الرشاد

اخطارات

رساله مزدن آلتدیغی کومسترمک شرطیه  
بتون یازیلر ره هانکی برغتمسرفندن  
اقتباس اولونه بیاید .

§

مکتوبلرک ، امضالری واضح و اوثاق و قلی  
اولاسی و آبونه صره نوموسنی محتوی  
بولونسی لازمدر .

§

ممالك اجنبیه ایچون آبونه اولانلرک  
آدرس لریک فرانسه ده یازلسی رجا  
اولنور .

§

پاره کوندرلدیکی زمان نه یه دائر اولدیغنک  
واضحاً بیلدیلمی رجا اولنور .

عدد ۳۱۸

۲۹ محرم ۱۳۳۳

پنجشنبه

۴ کانون اول ۱۳۳۰

جلد ۱۳

زده اوئی حس ایدرک قوجوندقلری تقطایه تماس ایله آردهدهکی  
مناسباتی اخلاص ایتک ایسته میور ایدک . معاملات خارجیہ من ، بر قاج  
عصر هپ بو طور ترا کتله دوام ایتدی . فقط فرط احتیاطک حقیقی  
معناسی ندر ؟ قدر تسمزلک !

اوروپاده حکومت عثمانیہ دن بشقه هیچ بر دولت بر صفت دینیہ یی  
تمشیل ایتک حقیقی حائز دکلدر . بز بوجقی ، بو قونی معنا احراز  
ایتمش ایکن استعماله جرأت ایدمیشمز ، حکومت عثمانیہ ایله برابر  
بتون عالم اسلامی متضرر ایتشدر .

اسلامیتک حائز اولدیغی قوت ، هیچ بر معاهده نك ، حتی  
اردولرک بخش ایتدیکی تأثیر ایله قابل قیاس اوله ماز .

دور سابق حسنات نامنه یالکز حجاز شمدیو فرنی وجوده  
کتیردی . شبهه یوقکه بونک اصل هدفی بر منفعت شخصیہ ایدی .  
فقط نه اولورسه اولسون اوروپایه قارشی عظیم بر تجربه ، بر وحدت  
اسلامیہ امتحانی اولان بومهم تشبث ، بتون افراد امتک یاردیمیه  
بکلینن نتیجه واصل اولدی اوروپا لیلرده اعتراف ایدیورلرکه نه  
پایلاق ، نه سیونیستلک غایه سنده برلشن مجالس مذهبیہ ، نه ده لاتین  
اتحادی ، اسلام لوق ، آنغولوساقسون جریانلری ، یاخود بیوک بریتانیا  
حکومتک استناد ایتدیکی ایمریالیزم اساسی بویه بر تشبث اقتصادی یی  
صرف اعانه ایله اکل ایدمزدی . فرانسزجه بر مجموعه بوحقیقی اعتراف  
ایتدکن سوکرا کندی کندی شویله بر سؤال ایراد ایدیور :  
« دنیاده اسلامیتدن بشقه بر واسطه یه ، قوه سیاسیہ یه ، جریانه استناد  
بو یولده بر مؤسسه نك شرائط اقتصادیہ خارجنده وجوده کتیریه  
بیله جکفی ادعا ایدمچک بر کیسه وارمیدر ؟ »

حکومت عثمانیہ هر معناسیله ساکن ، احتیاطکار ، فقط ترقی به قارشی  
متهالک بر اسلام سیاستک قوه نافذه سنی کندی موازنه اساس اتحاد  
ایلک لازم کایر . بونک ایچون یاییله جق تدابیرک شمدیدن دوشونلدیکنه  
قطعیاً شبهه ایتمیز . عالم اسلامیتله آرده مزده اتحاد مغنوبدن ، یاخود  
بعض خصوصی رابطه لردن بشقه عمومی و آجیق مناسبتلر تاسیسی  
پک لازمدر .

حکومت مسطک متینک احتیاجانی بزدن ایی دوشونیور ! بز آئیده  
مناات وجدیتله تعقیب ایدیه جکندن امین اولدیغمز سیاست اسلامیہ نك  
فوائدینه شمدیدن نظر اطمشان ایله باقیورز . حکومت عثمانیہ هیچ  
شبهه سز شرفیه یشابہ جق ومظفر اوله جقدر .

**عصیت قومیہ : مننی مقصدلر نامنه شخصیتلرک اطرافنده !**

صبح غزنه سنک ۹۰۷۶ نومرولو نسخه سنده « موحد مصوم »  
امضایی باش مقطله نك بر فقره سنده دینیلیورک :  
« ابتدائی ملتلی مننی مقصدلر نامنه قولایق برلشدیرن عصیت قومیہ ،

وتخمین اولونان درجه سندن چوق فضله ، عادتا حساب و کتابه صیغماز تاریخی  
نتیجه لری چیه بیله جکی شبهه سزدر . شارل مارتل زمانندن بری دائماً قهر و تغریب  
ایدیه کان اسلامیت بو صورته آیفلانهرق غالبانه یورومکله خرسیتیلقدن انتقامنی  
آله جقدر . خرسیتیان ملترک محاربه لرنده اسلامیتک حکم اوله سی ایتالی بیله  
واردر . بو جهاد ایله نصرلرک تخریب ایدمچک انقاض حاله ایتدیورکی اسلامیت  
یکیدن قوت وشوکت بوله رق یوکسله ییلیر ، آلمان ایمپراطورلغی ایله اتفاق ایدن  
بو اسلام هیولاسی تکرار جانلانهرق سطوت و حاکمیتی آسپاده ، آفر قشاده  
و اوروپانک بر چوق یلرنده یکیدن تاسیس ایدر ، واورالرده کی غریلی قاتلری  
طرد و اباد ایلر . بو صورته آلمانلق و مسلمانلق اتحادی خیاللری حقیقت  
اولهرق حریتپور (؟) لاتین و آنغولوساقسون ملتر ایله مدینت عالنده مناقشه دن  
آزاده بولونان خرسیتیانلق فائیتی عین قضا و آفت ایچنده خسار واضمحلاله  
اوغرایه جقدر .

« کندیسندن حریت ، عدالت و اخذت اساسلرینک تأییدینه انتظار اولنان  
تاریخی بر تکاملک غریب نتیجه سی ! آلمانیا ایله آوستریا - مجارستانک احراز  
ایدیه بیله جکاری غالبیت . یکی متفق ومظاهری یوزندن وهان عمومی ده نیله جک  
بر صورته یاقفه چالیشقلری آتش اعتباریه ، انتظار اولوناندن ده با شقه  
بر ماهیت ومنزلی حائز اوله جقدر .

« بوکون قیصر ایله خلیفه مقصدلرینی وطالعربی برلشدیرمش بولونیورلر .  
رینک ظفری دیکرینک ده مظطری دیمکدر . »

## اتحاد اسلام سیاستک منافع عظیمه سی

تصفیر افکار رفیق محترمز ، ۳ کانون اول تاریخی نسخه سنده ،  
بوکونکی تعقیب ایدیلان مقصدک سلطان سلیمک غایه امل اتحاد ایتدیکی  
اتحاد اسلام واعلای کلمه الله مقصد صحیح اسلامیتک عینی اولدیغنی  
ایضاح ایتدکن سوکرا دیورک :

بوکون انکیز ، فرانسر ، روس مهاجانه معرض بولونیورز ، فقط نه  
بیوک بر قوتک مظهری بز : اتحاد اسلام ... بر زمانلر تلفظی بیله سیاست  
خارجیه مزه مضرت ایقاع ایلیه جک درجه ده حائز اهمیت اولان بوترکیب مچاکک  
شو آئنده بتون قلوب مؤمنیندن کال فخر و ابتهاج ایله خروج ایدمچک جدأ تلز  
تلفراف سرعتیه اقطار اسلامه انتشار ایله سی بومقصدکرتک اصلنده کی منفعت  
عظیمی اخطار ایدر .

## سیاست اسلامیہ

صبح غزنه سنده « موحد مصوم » امضاییله جهاد اسلام ، اتحاد اسلام ،  
سیاست اسلامیہ حقنده مهم و نافع مقالهلر تهریر بوبورمقده اولان ذات  
محترمک ۳ کانون اول تاریخی نسخه سنده سیاست اسلامیہ حقنده غایت  
مهم بر مقالهلری مندرجدرکه شایان دقت نظرانی بوجه آتی نقل ایلورز :  
« بر دولتک استقبالی ، حیات سیاسیہ سی ، ایلریده تعقیب ایدمچک  
مسلاک ، مسالمت زمانلردن زیاده حال حریده تاسیس ایدمچک بیلور .  
ذات حضرت خلافتنای اطلاق هاپونلریله بو مسلاکک ماهیت علویہ سی  
ارائه بیوردیلر . حکومت عثمانیہ ، سیاست خارجیه بر انقلاب عظیمک  
وقوهی لزومی حس ایتشدر . شمدی به قدر بالخاصه محاصم بولندیغمز ،  
حکومتلر ، بزى اتحاد اسلام اساسندن دائماً آیری پشامق غایه سی  
الزام ایدیورلردی . کندی منفعتلرینک الحآت طبیعیہ سی بو ایدی !